

沈乃文主編

明別集叢刊 第五輯

第四十二冊

黃山書社





國家出版基金項目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第四十二冊

黃山書社



(明) 蔣若椰 撰

石桃丙舍草一卷

明天啓六年刻快書本

石桃丙舍草題辭

蔣若柳先生草不數篇。言言如吐
神僊之字。掩映五色。筌中儲皆如
此。安得更更有風塵面目。先生自爲
九願。予得讀先生所爲經若賦。是
予一大願也。漢書曰。宋玉唐勒。漢

石桃丙舍草題辭

一

興枚乘。司馬相如。下及揚子雲。競
爲侈麗閎衍之語。沒其風諭之義。
味諸子所賦。詎鮮風諭。卽大言小
言。有微意焉。先生羣賦。追美前脩。
殆入賈誼之堂。登相如之室矣。及
著爲經。頓令龍宮吐媚。海樹披奇。

天酒欲傾。衣珠失寶。經爲道藝之
淵。海窮山極。海各神其用。鴻教不
刊。其在是與。脫非先生出入蓬瀛。
何以竟海上之珍。開風塵之目。所
謂神仙字五色。腸猶甚微也。

閔景賢識

石桃丙舍草題辭

二

快書卷二十八

練江閔景賢士行纂

西湖何偉然仙臞訂

石桃丙舍草

蔣若椰刪本

五願

新作丙舍有面岫臨池之適影鱗出水碧鵝矯翼青臯暖翠染人襟袖一願也伯牙學琴於成連成連與俱至蓬萊刺船而去伯牙延望無人

石桃丙舍草 卷二十八

一

但聞海水洞湧山林杳冥愴然嘆曰先生移我情矣援琴而歌遂爲天下妙嗟乎學道著書亦若此矣二願也性不耐客而客至憚於峻拒不耐酒脾弱亦不能多酒而酒恒以疆飲徇人尤喜啖酸醎菰韭不耐美食而家中好作美食飯爲減少不耐俗事而以事干者不能慧劍割去不耐近婦女而磨墨捧研時不可少外此皆惡趣矣一出城市數者自遠三願也喜花竹曉起

晚行蔣澆忻然喜荔香坐臥荔陰下雖不徒噉然勝於摘下久而香味損者喜科頭藉草池傍籬外逃日貪風於夏尤宜喜書史觀書除蟬鳴蚊嗜外無擾者因得句云噪蟬權作桓伊笛饒蚊真當蘇子錐四願也生一年而家尊通籍幸從游衙齋不曉田家作苦旣入山時與老圃樵丁掘蒨剝鮮習爲澹約辛勤之況以養清福五願也

石桃丙舍草 卷二十八

二

九願

古樟下沙堤聽簫與薨竈人商量作茶甌花甌蘇樣牛背上掛書欹坐夜起汲井花泉漱齒合九願

隱真賦

削慧館真雪貌風紋衫涵蕉氣屐嚙松根饑煮石桃髓香味勻金母不知以兒偷聞桃解人言此客僊半箕濮狂冥羨安汗漫跨雲倒迴罩星

暗換或譏蟄熊亦詭癰瘡夷然當之似謫還讚
遂遇荔柯結幔蓮花洗杯空青林結瑪瑙雲開
襞日組月吸電掬雷方瞳一角覽別還來採丹
爲飯伏氣成胎常哂方朔偷非僊才若夫食螺
就空便了亦去四無人聲惟石與樹嶺似鷺領
洲如鸚鵡亦復詈僊不如箕踞念古高民有名
無事精以寶身緒爲衆茹寧能上天子軀生翅
新僊位卑骨傲難侍石桃點頭余亦徑醉

石桃丙舍草 卷二十八

三

大言賦

蔣子偕二弟面浮龍之臺而語有間曰能大言
者侑之簫酒三璟先曰龍伯萬丈匿鬚尖瓏曰
崑崙爲簪愁廉纖瑗曰脰毛塞海意未快瓏曰
口喻日月沸牙縫瑗曰持天作蓋恣翱翔璟曰
大爲道毋難形容各侑之簫酒三

小言賦

蔣子大言賦成曰能小言者侑倍瓏進曰莊寓

蝸角佛談芥納宋玉不如也何以進於二氏瑗
因稱曰遊絲映日見稍似醺雞眼瓏繼之曰蝶
痣一點中舉兵相戰攻璟曰未也無內有物名
曰默泯離朱極目杳杳無朕黃帝孔丘得影復
隱二弟聞之侑蔣子倍也

歡言賦

蔣子游雷三月將歸致箋雷君曰自有雷以來
寇公居之蘇公又居之蘇公兄弟南北相望有
石桃丙舍草 卷二十八

四

椰冠木杖贈和之樂然皆以逐臣限一水而書
未若鄙人之父建纛三千里綏交破黎小子來
趨攜弟以嬉夜奉酒醴日作花詩以君視之孰
爲最歡者矣雷君曰嘻誠如子言子更言歡之
緒蔣子曰爺孃萬秋身千歲上友僊官下師帝
瓏曰紉鳳游觀騁所際璟曰長生殿前深深誓
瑗曰睡鄉千月一翻袂蔣子曰但願清福萬萬
世雷君曰善

久言賦

霍君曰。天下之樂。莫如清福。子之言美矣。言其久。蔣子曰。上倫母桃。噉三千。次瓏曰。蓬萊無僊。闕天荒。至瓊曰。赤松兒時。叩我蠹字。環復曰。後天公。老肩混沌。事護持。先聖使安厥位。雷君听然而笑曰。有是哉。

水滸

二弟酒次。序宋公明如昨日。一瓣香了。得數部。

石桃丙舍草 卷二十八

五

使人躍然。西游一箇孫行者。水滸一箇黑旋風。使宋江。唐三藏。化作木偶。亦作書顛倒之妙。

椰經

椰生海外極熱之國。雷瓊交趾皆有之。九所望樓。其茂成林。出文昌者爲上。此椰之地也。其樹似櫻。特生上竦。旁無附枝。葉似鳳尾。椒此椰之身也。樹高不可攀。下有多羅樹。緣之。此椰之梯也。其葉一周。常數十苞。苞七八枚。形似萍實。似

西瓜。搖之則酒聲淙琤。此椰之子也。其皮厚二三寸。刮之得殼。堅圓如石。刀鋸不易開。有兩眼。其凸處似鼻。鼻下有口。是曰椰芽。此椰之殼也。芽自殼心出。酒從芽穴出。滴玉盆中。色與玉一味似清乳。似薺澹而多韻。甘而不爽。似醴泉。薇露。天僊之漿。飲之。不醉。此椰之酒也。殼剖酒盡。膚如凝脂。玉腴雪膏。自然油美。小如乳腐。而異香過之。益智胡桃。遠非儔比。此椰之肉也。肉中石桃丙舍草 卷二十八

六

奉如拱壁。此椰之用也。高而不倚，久而不壞，堅而不礪，不金不漆，其質乃全。以試毒，則沸起，利遠行。此椰之德也。或曰：蜀帝化而爲鳥，越王化而爲椰。語雖怪誕，然前身皆爲帝王，此椰之奇也。若椰蔣德璟者，剖椰而美之，而筆之曰經，則椰之遇也。

珠經 有序

物之異者，善抱珠。龍寵蛇蛟以之，人之異者，善

石桃丙舍草 卷二十八

七

泣珠。鮫人以之，鳳也。鶴也。昆明魚也。能以珠銜者也。火龍也。水龍也。能以珠爭者也。鯨鯢之睛爲明月珠。能以珠睨者也。赤水有樹如栢葉，皆爲珠。漢甘泉望雲臺，得白珠如花一枝。珠之側出於花木者，也不獨蚌也。龍珠在頷，鯨珠在皮，蛇珠在口，魚珠在眼，鼈珠在足，不獨胎也。赤松子乘黃虵入水，得黃珠。東夷莫難珠亦黃。黃帝玄珠，穆天子舍於珠澤，平澤也。出青珠，廣陽亦

出青珠。魏正始中，倭獻青大句珠。燕昭王有黑珠，徑尺，曰洞光珠。又有碧珠、紺珠、綠珠、水晶珠、火珠之屬，不獨純白也。禹書：淮夷二水貢蠙珠。一作蚘蓋珠，之有聲者。而海經：娠珠之水，三數。歷楚水、烏鼠、濫水、葛山、澧水、湯正。四方獻令，甌鄧、桂國、損子產百里濮，九菑獻珠。爾雅曰：西方之美，有霍山之珠玉焉。博南有光珠穴，出光珠。漢元和中，珠出館陶，大如李。出豫章，海昏大如

石桃丙舍草

卷二十八

八

雞子。永元中，鬱林降人得大珠，圍五寸七分。羅羅水達達，夫餘、黃支皆產珠。河鈞老出金珠，大秦出明珠、夜光珠、真白珠。交趾拂菻、爪哇、淳泥、沙羅皆貢珠。珠輦國以金蓮酌珠，撒殿。小葛蘭貢珍珠傘。西北方金闕有珠，徑三尺，照二千里。金天德中，採十鳥古廸烈部及蒲里路。元採揚村直沽口，在大都採阿江。阿爺苦江忽呂古江，在南京及兀難曲朶刺渾都忽三河勝州延州。

迺延等城。其在廣者。採東莞大步海。及惠州池。蜃戶七百家。僅撈陸兩明。高帝罷之。不專合浦也。今專著合浦。作珠經。

珠母海海也。名曰池。在廉東南八十里。曰烏泥。二里。曰海豬沙。又五里。曰平江。又八里。曰獨攬沙。又五十里。曰楊梅。又十五里。曰青鴛。又五十里。曰斷望。可百八十三里。其隸雷者。曰割樂。在遂溪西南百五十里。凡王者政平德至。淵泉則

石桃丙舍草 卷二十八

九

珠生。凡珠蚌之陰精。蚌孚乳以秋。與月盈。胸中秋有月胎生。月死則膳。凡蚌無牝牡。以雀鴿化。專於陰。故蚌之久者。能姪珠。凡珠陰中陽。能勝水。岸不枯。凡珠九品。寸五分以上。至寸八九分。爲大品。光色翳小。平似覆釜。曰璫珠。次走珠。其雖有光。色形不圓。曰滑珠。次螺砢珠。次官雨珠。次稅珠。次蕊符珠。幼珠如梁粟。常珠如蠶豆。理而碎者。曰璣。精者。曰璿。凡珠人形者。曰珠佛。齊

永明中。越州獻白珠像。是也。長三寸。物形者。曰珠蠅。珠蠅如蠅。珠魚如魚。珠螺如螺。凡真珠度寸。上可單餌酪漿。漬化如水銀。或以浮石水。蜂窠化之。包形蛇黃。合之。可引長三四尺。九服絕殼不死。凡珠禦火。鎮心。綿裹塞耳。已聾。傳面瑩澤。粉點睛。主翳膜。凡巨珠。海底有城郭。羸母居中。魍物圍處之。其細碎。蔓於外者。始可採。凡撈珠。常三月。用五牲禱。不則風擾海。或巨海守蚌。

石桃丙舍草 卷二十八

十

左右不得近。凡蜃戶善水居。生啖海腥。入水能視。見水色。知有龍。曰龍戶。其黠者。蹲水底。剖蚌得上珠。吞而出。凡採。初以巨舶環池。以石懸巨絙。別以繩繫蜃腰。攜籃投水。五百尺。氣逼則撼繩。緣絙引上。凡出水。先煮毳柄。極熱。急覆之。緩則寒慄死。或遇蛟蠃。蝟螭。螻蛄。所觸。見血一縷。浮皮面死。其後以鐵爲槌。最後木柱板口兩角。隊石。用本山麻絞作兜。如囊狀。繩繫舶兩傍。乘

風泛舟。兜重其蚌滿。便登丁。然多飄溺。凡珠三
十年以上。採曰老珠。二十年以上。採曰半老珠。
十年以上。採曰嫩珠。珠嫩者稀。凡珠水圓折歲
有豐耗。豐曰珠熟。凡珠貪則徙。潔則還。或能走
南海。有走珠石。凡珠母肉正碧。以薑薑啖之。甘
凡珠有媒。曰寶母石。月望設祭海。陳置母壇上。
致名珠。凡珠升重四十七兩。凡珠古無禁。民以
易米。孫吳始置珠官郡。唐嚴私採。咸通中弛。僞

石桃丙舍草 卷二十八

土

漢置媚川都於海門。募善採者二千。號媚川卒。
宋開寶中。令市舶使歲入珠除。卒罷採禁。雍熙
元年。罷採珠場。政和四年。詔貢珠。紹興罷貢。元
延祐中。設採珠子都提舉。秩正四品。尋罷。明洪
武二十九年。永樂十四年。皆詔採。洪熙元年弛
珠封。正統中。始命璫二分。鎮雷廉。建廠池傍。防
盜。天順三年。脩池。哨舶。勅御史同璫採辦。成化
間。移廠郡城。氓苦之。弘治十二年。採二萬八千

四百餘兩。珠老而熟。正德五年。雷璫牛榮激變。
九年。對樂珠徙。自是專採廉。是年得萬四千兩。
十四年。雷璫趙蘭激變。嘉靖元年。召革。五年。採
八千八十八兩。是年大雨。雪池水結。樹木枯。民
多凍死。螺匡夜有火光。七年。又採。都御史林富
奏罷之。并革廉璫二廠。既廢。於是屬海北巡道。
九年。十二年。二十二年。三十九年。連採珠稀。萬
曆二十六年。復遣璫李敬開府白龍節。進可三

石桃丙舍草 卷二十八

土

千兩。不償費。三十七年。召革。四十一年。對樂珠
復還。凡守珠寨。在廉曰烏兔。曰凌祿。曰英羅。曰
蕭村。曰井村。曰對達。曰豐城。曰黃泥。曰川江。曰
龍村。曰調埠。曰珠場。曰白沙。曰武刀。曰龍潭。曰
古里。曰西場。凡十七。在雷曰樂民所。舊有調神
等七寨。廢。萬曆元年。置北竈對樂等墩。凡十一。
凡珠賊出沒橫山。息安。實曰喉咽。成化初。陶副
使魯議遂溪縣。買石城地。築二堡。發雷州衛軍

戍之本衛所官。防緝稱要害。凡採珠船募東莞
瓊大艚船各二百。珠夫八千。雷廉各小艚船百。
珠夫二千。可萬夫。久或致疫。多掠劫。凡珠器筐
櫃篩網桶刀盥油鐵水櫃。凡貢器丹櫃丹絢漆
灰硃銅釘鉸軟套。凡奉詔放採。曰開池。採畢封
之。曰封池。

石桃丙舍草 卷二十八

主



(明)張明弼 撰

螢芝之全集十八卷

清光緒二十四年金沙
于氏杏林書屋刻本

光緒戊戌春

榮芝全集

丹徒竹樓張廷齡署

板存金抄
氏杏林書屋